

情緣類

情私類

情史類略卷二



情史類畧卷二目錄

情緣類

趙簡子

以下皆意外夫妻

賣餽媼

鄭任

周六女

張二姐

張夫人

鄭中丞

劉奇

王善聰

吳江錢生

劉舉人妾

崑山民

趙判

章汎

蘇城丐者

候繼圖

顧協

以下老而娶者

崔元綜

韋固

孟光 以下妻自擇夫

絡秀 崔敬女

朱顯 以下夫婦重逢

程萬里

單飛英

徐信

王從事妻

黃昌

蕭匠

趙軍

楊公

紹興士人

崔英

玉堂春

補遺

甲乙二書生

補意外夫妻

情史類畧卷二 終

情史類略卷二

情緣類

○趙簡子

以下皆意外夫妻

卽此未免有情矣

趙簡子南擊楚，渡漢津，吏醉臥，怒將殺之。其女媚持楫走前曰：妾父聞君渡不測之淵，故禱江淮之神，不勝杯酌，遂至沈醉。妾願以微軀易父之命。簡子遂釋不誅，將渡。媚攘拳操楫而前，中流發激，棹之歌曰：升彼河兮而觀清，水揚波兮杳冥冥。禱求福兮醉不醒，誅將加兮妾心驚。罰既釋兮實乃清，妾持楫兮操其維。蛟龍助兮主將歸，呼來權兮行勿疑。簡子大悅，比歸納爲夫人。

齊王納無鹽，孔明之婚黃頭女，皆以才德見重，遂忘其醜。此

持、櫬、女、似、別、有、動、入、處、

○賣鰥媼

唐馬周少孤貧爲博州助教以嗜酒忤刺史達奚拂衣至京停
於賣鰥媼肆數日所媼覓一館地媼乃引致於中郎將常何之
家代何草封事稱旨太宗詢知周所爲卽日召見拜監察御史
媼之初賣鰥也李淳風袁天綱常遇而異之皆竊云此婦當大
貴何以在此及馬公旣貴竟敢爲妻數年內馬公拜相媼爲夫
人

此媼能引人的非常品又何必問相然唐人最重門第故婚
嫁有老而未遂者而馬公特以逆旅相得終身魚水富貴共
之豈非天耶

○鄭任

如此靈巫
何處得來

李弘農令之女盧生聘之矣。及吉日，女巫謂夫人曰：「佳婿盧郎，信長鬚者乎？」夫人曰：「然。」女巫曰：「是非夫人之子婿也。」夫人之婿，形中而白，且無鬚也。夫人驚曰：「吾女今夕得適人乎？」巫曰：「得。」夫人曰：「既得適人，又何云非盧郎也？」巫曰：「我亦不識也。」舉家怒，巫而逐之。及盧親迎，見女，忽驚而奔。衆賓追之，不返。李弘農素負氣，不勝其憤，且恃女客可人，盡邀客入，呼女出拜，指之曰：「此女豈驚人者耶？今不覲面，人且以爲獸形也。」衆皆憤歎。弘農曰：「此女已奉見矣，如有能聘者，願應。」今夕佳期，鄭任爲盧之儼，在焉。隨起拜成禮。家衆視其貌，卽巫之所言也。後鄭任逢盧，問其故。盧曰：「兩眼赤且大如盞，牙長數寸，出口兩角，寧不驚而奔乎？」鄭

素與盧相善，乃出妻以示之。盧大慚而退。
相傳京師有女，嫁日臨牀，便小遣因退還，後再嫁亦然。遂爲
棄女，女生平無此疾，母怪而問之，答云：見女奴携朱紅餘櫛
至，誠不自覺其遺也。後嫁一客官爲晚妻，此官位至尚書女
封夫人，以恭賀事隨衆命婦入宮，盤桓良久，偶腹脹，官女引
至便處，見朱紅餘櫛，方悟其夢。

○○周六女

鹽城民周六，居射陽湖之陰，地名朦朧，左右前後皆沮洳藪澤，
無田可耕，且爲人闢穴，不自振拔。唯芟刈蘆葦，織席以生。一女
年十七八，畧不識針紉之事，但能助父編葦而已。北神堰漁者
劉五爲其子娶之，不能縫裳，逐之歸。父母俱亡，無以糊口，遂行。

丐於市。朱從龍寓居堰側。時時呼入其家。供薪小之役。久而欲爲擇配。楚士吳公佐本富家子。放肆落拓。棄父而出遊。至寄跡僧寺。爲行者。後還鄉里。親族皆加厭疾。郡庠諸生容之齋舍。因相與戲謀。使迎周女爲婦。假衣襦。具酒炙。共餽茅舍。一間擇日聘取。儕輩悉集。姑以成一笑。意吳生知爲丐者。必將棄之。已而相得甚驩。偶鈴轄葛珙之子。富於貲財。拉吳博賽。吳僅有千錢。連擲獲勝。通宵贏幾百緡。葛不能堪。明日復戰。浹辰之間。所得又十倍。吳繇是啓質肆。稱貸軍卒。不數年。利入萬計。其父呼還家。讀書益勤。兩預貢籍。周女開慧。解婦功。不學而能。肌理豐麗。頓然美好。初里中有嚴老翁。叻士也。善講解孝經。又能說相見。周於丐中。女骨頭裏貴。果如其言。

情又
周女之

矣

行而開向使在劉漁家已如是則饑寒畢世

○○張二姐

下邳朱邦禮家於宿。雇買少婢曰張二姐。雖無惡疾而形體枯悴。肌膚皴皸。絕可憎惡。姑使執庖爨。春汲之役。凡六七年。有游士劉逸民叩謁。喜其高談雄辨。畱以教諸子。在館下。歷歲未嘗輒出戶外。朱極賢重之。每會親朋。必稱贊其靜操。乃命二姐爲供給洗瀝。蓋以其寢陋無所置嫌。久之。雇限已滿。告辭而去。朱亦不問所如往。俄而劉亦謝退。後十餘歲。朱赴試省闈。因詣市肆間。有人呼聲回顧之。元不識面。其人力邀至所居。具公服再拜。敘至曩契。乃逸民也。旣登科第。得京秩矣。方歡羨。次又一婦

人著陂頂髻拜於庭。如初嫁見尊長之禮。朱側身斂避。劉挽之坐曰。固主翁也。何辭焉。細詢其餘。則二姐也。且言曰。自違離之始。無人負書笈。偶值此婦。遂與之偕行。念其道塗勤謹。存於家間。而溫良惠解。實同甘苦。故就以爲妻。恩出高門。不敢忘也。延朱置酒罷。出五百千以贈之。時政和末也。

諺云。熱油拌苦菜。自家心裏愛。業已相得。卽王謝姬姜弗與易矣。

○張夫人

張相諱從思。其妻張氏。河東人。有容色。慧黠多技藝。十四五時。失身於軍較。爲小妻。洎軍較以更番歸洛下。携與偕。至上黨。病痢。因昇之北。小紀病且甚。湯藥不能下。形骸骨立。臭穢。

狼籍不可

遂棄之道周而去。行路爲之傷嗟。道傍有土龕衆爲舁至土窟中。數日痢漸可。衣服悉爲暴客所竊。取但以敗葉亂草蔽形而已。漸詣市求丐。有老嫗謂曰。觀爾非求乞者也。我有住處。不遠。卽携以往。嫗爲沐體。日進粥飲。不數月。平復如故。顏色艷麗。忽有士子過。小紀贈嫗綠絹五十匹。載之而去。偕往襄陽。會襄帥安從進叛。左右殺士子。納其妻。從進敗。爲亂兵所得。送至都監張相寨。張卽從思也。張相共獲婦女凡十數人。獨寵士子之妻。深厚之。數歲。張之正室病亡。遂以繼室封爲郡國夫人。一應家事。上下男女皆屬指揮。治家甚嚴肅。動有禮法。及張加使相。進封大國夫人。壽終於洛。

始否終泰。此女與榮陽生是的對。

○鄭中丞

文宗廟有內人鄭中丞

中丞當時宮人官也

善胡琴內庫有琵琶二面號

大忽雷小忽雷因爲匙頭脫損送在崇仁坊南趙家料理大約

造樂器悉在此坊其中有二趙家最妙時權相舊更梁厚本有

別墅在昭應縣之西南西臨渭河垂釣之際忽見一物流過長

六七尺許上以錦纏之令家童接得就岸乃秘器也及發開視

之乃一女郎粧色儼然以羅巾繫其頸遂解其領巾視之口鼻

之間尙有餘息卽移至室中將養經旬方能言語云我內弟子

鄭中丞也昨因忤旨令內人縊死投於河中耳及如故垂泣感

謝厚本無妻卽納爲室自然善琵琶其琵琶在南趙家脩理恰

值訓注事

知者厚本因賂其樂器匠購得之至夜分敢

厚時審音
故黃門輩
亦能審音

輕彈後估

於花下酒酣不覺朗彈幾曲是時有黃門放
鷓子過門私於牆外聽之曰此是鄭中丞琵琶也竊窺識之翼
日達上聽文宗始常追悔至是驚喜遣中官宣召問其故乃捨
厚本罪任從匹偶仍加賜資焉

鄭中丞旣以絕技取寵一忤旨遂不獲憐文帝亦太忍矣不
奪其偶使得自遂庶幾善補過者乎

○○○劉奇

宣得間河西務劉翁夫婦業沽酒家亦小康年俱六十餘無子
值雪天有童子少俊隨父投宿及明父病寒不能興數日竟死
劉爲殯於屋後此童遂畱爲兒不沒本姓名劉方克盡子道
居二載復值大風有少年舟覆遇救堅持一竹籠哭泣不止叩

之則山東劉奇。父以三考聽選舉。家在京。遭時疫。父母俱喪。無力扶柩。此籠中乃火化遺骨也。旣被溺。行李蕩然。無復歸計。劉翁惻然爲助資。奇去月餘。復負籠而來云。故鄉遭河決。已漂盡矣。願乞片地埋骨。而身爲僕役。以報劉翁許之。奇與方遂爲兄弟。同眠共食。情愛甚篤。奇頗通文理。因教方讀書。方亦日進久之。劉翁夫婦俱歿。二人喪之如嫡。方復往京。移母柩至。與父合葬。三家之墳。如鼎峙焉。事畢。停沽酒而開布肆。家事日起。鎮富民有來議姻者。劉奇欲之。而方執意不可。奇不能強。一日見梁燕營巢。奇題一詞於壁云。營巢燕。雙雙雄。朝暮銜泥辛苦同。若不尋雌。繼穀卵。巢成畢竟巢還空。方見之。笑誦數次。亦援筆和詞云。營

雙飛天。設雌雄。事久期。雌兮得雄。願已足。雄

今將雌胡

覽和大驚曰吾弟殆木蘭乎自同臥以來即

雅操堅持
有何慚色

有人心也

酷暑未嘗赤體合之題詞情可知也乃佯爲不悟使方再和一詞方復書云營巢燕聲聲叶莫使青春空歲月可憐和氏璧無瑕何事楚君終不識奇笑曰吾弟果女子也方聞言面發赤未及對奇復云你我情同骨肉何必隱諱但不識何故作此粧束方楚額告云妾家向寓京師因母喪隨父還鄉恐中途不便故爲男扮後因父沒尙埋淺土未得與母同穴故不敢改形欲求一安身之地以厝先靈幸葬事已畢卽欲自明思家事尙微兄獨力難成故復遲遲耳奇云爾我同榻數年愛踰嫡血弟詞中已有俯就之意我亦決無更娶之理昔爲兄弟今爲夫婦恩義兩全不亦可乎方曰妾籌之熟矣三宗墳墓俱在於斯棄此而

去亦難。忽然兄若不棄陋質，使侍箕帚，共奉三姓香火。妾之願也。是夜兩人遂分席而臥。次日奇請鎮中年老者為媒，擇吉告於三墓，遂成花燭。里中傳為異事，因名其地為三義村。

方之題詞近於自衒，然主意實在奉祀，見識既高，作事又細，臧真閨傑也。○大劉雖曰端人，終是騷漢。小劉固然貞女，誠亦巧人。此女子理有垂弟愛為姊妹之可也，偶能結義，尚自不可親愛如親兄弟乎。

○○王善聰

王善聰者，金陵城中女子也。年十二喪母，姊亦嫁。父某向挾線香行販江北諸郡，因念女幼而孤，偽飾為男，挈之以行。後父死，改姓名曰張勝，遇鄉人李英，因合夥，仍以販香為業。歲餘同臥起，但云有云衫袴溲溺，必待夜亦不去履襪。英初不知為

女子也

春與英還金陵年已二十餘矣往候其姊姊

不之識且曰我上無兄下無弟止有妹耳我父挈往他所買販
數年音問不通存亡未審善聰哭曰我卽是也父死孤貧不能
歸不得已與鄉人李英合夥營度今始歸拜姊耳姊曰男女久
處得無私乎乃入密室驗之果爲處子仍作女飾越二日英來
候善聰匿不出姊強之英一見駭然叩得其故時英尙未娶遂
自請婚善聰羞默遽退英旣歸念之不置遣媒往聰堅拒之
曰嫌疑之際不可不謹今日若與配合無私有私數年貞節付
之逝水不畏人嘲笑乎英服其有守相慕益切往復再四終不
聽事聞三厥中官嘉其義逼令成婚且贈貲焉聰不敢違遂爲

夫婦